

संदेश



क्रांतिकारी जनताना सरकार किन मापना  
लक्ष्य पोयसी शोषक-शासक वर्गनोर  
दण्डकारण्य ते ताकी कीयना 'समाधान'  
रणनीति हमला ता जवाब ते, जोन मेण्ड  
जनताना सरकार किन मजबूत कीसोरे,  
जन आंदोलन किन विस्तार कीयकाल!

*109वीं वर्ष ता भूमकाल दिवस तुन दण्डकारण्य ते क्रांतिकारी  
जनताना सरकार, जन संगठन ता कार्यकर्ता लोर, जनता  
वै-वेइका ते नार-नार मानेमायना इंजी जोन जनताना सरकार  
तैयारी कमेटी आह्वान कीयमुंता।*

क्रांतिकारी जोन जनताना सरकार तैयारी कमेटी  
दण्डकारण्य

**क्रांतिकारी जनताना सरकार किन मापना लक्ष्य  
पोयसी शोषक-शासक वर्गनोर दण्डकारण्य ते ताकी  
कीयना 'समाधान' रणनीति हमला ता जवाब ते,  
जोन मेण्ड जनताना सरकार किन मजबूत कीसोरे,  
जन आंदोलन किन विस्तार कीयकाल!**

क्रांतिकारी जनताना सरकार किन 10 फरवरी नरगे महत्वपूर्ण दिनम, 1910 ते दण्डकारण्य इलाकाने साम्राज्यवादीर मनवा आदिवासी जनता पोरो शोषण-शासन कीसोरे इगता संसाधन तुन लूटी कीसोरे मत्तोर इदीन विरोध 1910 ते आदिवासी 'कोया जनता' गुण्डाधूर नेतृत्व ते विद्रोह कीसि अंग्रेज सरकार किन पूड़ी मंजी माड़िया राज्य निर्माण कित्तोर. इंजे मनवा पार्टी भाकपा (माओवादी) नेतृत्व ते शोषक-शासक वर्गनोरा खिलाफ ते अत्ता 39 साल तिना उत्पीड़ित वर्ग ता जनता लूटी और शोषण खिलाफ ते जुझारू संघर्ष कीसोरे वायमुंतोर. अत्ता 20 साल तिंचो दण्डकारण्य ते आदिवासी जनता नालूंग वर्ग एकता संगे जनताना सरकार बना कीसि चला कीयमुंतोर. 14 साल मुन्नेने एरिया, डिवीजन जनताना सरकार बनेमासी काम कीसोरे जनता किन नेतृत्व कीयमुंता.

2018 भूमकाल दिवस तिंचो इंजेके एवना दण्डकारण्य ते ताकना आंदोलन किन 'समाधान' योजना हमला अंतर्गत ते मापना मैदे दुश्मन इद साल मेंड कित्ता पाशविक हमलाने पार्टी ता नेतृत्व, कार्यकर्ता लोर, पीएलजीए योद्धा लोर, कमाण्डर लोर, क्रांतिकारी जनताना सरकार ता नेतृत्व, ताना कार्यकर्ता लोर, मिलिशिया ता कमाण्डर लोर, सदस्यीर दुश्मन संगे धक्की-पक्की लडेमासोरे 140 मुल किन पोरोने शहीद अत्तोर. शहीदर लोपा जनताना सरकार नेतालोर 10 जन किन पोरो ने दुश्मन कैदे दोरकी फर्जी मुठभेड़ ते शहीद अत्तोर. 'समाधान' हमला ता लोपाने पूजारी कांकरे-10, तुम्मीरगुण्डा-कसनूर-40, आईपेटा-8, तिम्मेनार-8, गुमियावेडा-4, नुल्कातोंग-15, साकलेर-9, मुदुम-3 संख्या ते मना जीवता कॉमरेड्स किन पाशविक तरीका ते मन-मना घेराव कीसि हत्या कित्तोर. आल्के जन संगठन नेतालोर किन, आरपीसी नेतालोर किन टारगेट कीसि पोयस मंजी वेहता परवा तिप्पल कीसि फर्जी मुठभेड़ ते

औक्तोर. इस्लाम नेलमड्गु आरपीसी अध्यक्ष सोड़ी कुम्मा दादा, कमका नाटे मिलिशिया प्लाटुन कमाण्डर रघु, तर्रेम मिलिशिया कमाण्डर ओयम दसरु इव 'समाधान' हमला ने शहीद अत्तोर.

मना शहीद कॉमरेड्स दुश्मन ता गंभीर हमला किन सामना कीसोरे गरीब जनता मैदे तमा मूल्यवान जीवा तुन अर्पित कित्तोर. मनल शहीद कॉमरेड्स ना उच्च स्तर ता आत्म बलिदान, आदर्श किन एती ओरा लक्ष्य तुन पूरा कीयना मैदे हिम्मत आल्के साहस, दृढसंकल्प ता चेतना संगे अपना कीसोरे जुझारु लड़ाई कीयना स्फूर्ति एतकाल.

2018 फरवरी 10 भूमकाल दिवस मौका ते जोन जनताना तैयार कमेटी लोहता संदेश ता स्फूर्ति पोयसी जोन मेंड मंदना आरपीसी, एआरपीसी, डीजेएस नेतृत्व ते वर्कशाप चला कीसि भूमी समतलीकरण अभियान लूटी सरकार ता पुलिस दमन नडमाने एती मंजी लाखों महिला-पुरुष, पिल्ला-पेकोर कृषि (खेती कमय) सुधार कार्यक्रम ते शामिल आसी सफल कित्तोर. 20 हजार एकड़ नेली लोपा डोली तोस्तोर, 60 पूना कुट्टा, 25 एरुवु तोस्तोर. आल्केने दर्जनों पांता कुट्टा, एरुवकु मरमत कित्तोर. संगेने नाली डेवी डोलीने एरु ओयना सुविधा बना कित्तोर. बेस्कोटो एरिया ने गरीब जनता ना लोक माडना, वेसना वेण्डे कित्तोर. इव सब्बे काम लोपा क्रांतिकारी वै-वेडका ते शामिल अत्ता नालुंग वर्ग ता जनता किन जोन जनताना तैयारी कमेटी लाल अभिवादन पेश कीयमुंता.

आरपीसी नेतृत्व ते जोन मेण्ड जन संगठन, मिलिशिया, क्रांतिकारी जनता पेयसी समाधान हमला तुन सामना कीयना मैदे इद साल मेण्ड सक्रिय रूपते प्रतिरोध पेरसी कित्तोर. बेच्चोना नाहकिने पुलिस, अर्धसैनिक, डीआरजी, सी-60 कमाण्डो तोर हमला कीसि जनता किन, जन संगठन, जनताना सरकार कार्यकर्ता लोर किन पोयसी ओत्तस्के एहतना मैदे पुलिस संगे आमने-सामने जूझी, लेवोके थाना, कैप एवना अंजी लडेमासी पोयसी तत्तानगा जनताना सरकार ता योगदान महत्वपूर्ण मंता.

छत्तीसगढ़ विधान सभा चुनाव किन बहिष्कार कीमूट इंजी जोन जनताना सरकार तैयार कमेटी पल्टा घोषणा पत्र रिलीज कीसि दोड़ता सरकारकु नगा ओसी पल्टा घोषणा पत्र ता इसाब ते विस्तृत रूपते बहिष्कार कार्यक्रम तुन

अमल कित्ता. चुनाव बहिष्कार समय ते हजारों जनता पेयसी 40 हजार पोरोने स्पाईक होल्स (कोय्ये बोंगा), प्रेसर बंम, आईईडी वाटी 70-80 मुल पुलिस तोर घायल आयना कित्ता. चुनावने मनवा गुरिल्ला बेस एरियाने मंदना जनता पांच प्रतिशत वेण्डे वोट ईवा लेवा चुनाव बहिष्कार तुन सफल कित्तोर.

जनता ना आर्थिक-सामाजिक-राजनीतिक लेकटा रोजमर्रा समस्या ना पोरो जल-जंगल-जमीन-इज्जत अधिकार संगे विस्थापन विरोध ते जनताना सरकार विस्थापित जनता किन आल्के अलग-अलग तबकाना जनता किन अरके मिला कीसि संयुक्त मोर्चा नेतृत्व ते रैली, जुलूस, धरनाने जनता किन शामिल कीयमुंता. संगेने 'समाधान' हमला ता खिलाफ ते वेण्डे विस्तृत प्रचार प्रसार कीसोरे जनता किन एकता कीसि सामना कीयमुंता. ब्राह्मणीय हिंदू फासीवादी ता खिलाफ ते संगठित आंदोलन निर्माण कीयना कोशिश तेज कित्ता. आल्के राज्यहिंसा किन विरोध कीसोरे हजारों जनता लड़ेमायमुंतोर.

आरपीसी तिंचो डिविजन सरकार एवना जोन मेंड प्रतिनिधि सभा किन ताकी कीसि जनताना सरकार कामकाज तुन गहराई ते समीक्षा कित्ता. इव सफलता, विफलता पोरो आधार आसी पूना कर्तव्य, पूना कमेटी किन नित्यी कीसि पूना वेडका ते जनता लोपा अंजी काम कीयमुंता.

अत्ता साल मेंड जनताना सरकार हासिल कित्ता सफलता पोरो आधार आसी इद वर्षा मेंड इगा इयना कर्तव्य पोरो केन्द्रीकरण कीसि और ज्यादा सफलता हासिल कीयना इंजी जोन जनताना तैयारी कमेटी इद संदेश ते उल्लेख कीयमुंता.

1. अत्ता 15 साल तिंचो छत्तीसगढ़ राज्य ते भाजपा सरकार सत्ता ते मंजी साम्राज्यवादीरा, दलाल नौकरशाही बूर्जुआ, सामंतवादीरा फायदा मैदे मनवा जल-जंगल-जमीन तुन मन-मना लूटी कीसि ओयना मैदे दरवाजा तेरसित्ता. अदेने सलवा जुडुम, ऑपरेशन ग्रीनहंट, इंजेक 'समाधान' योजना हमला तुन तत्तोर. इद हमला खिलाफ ते दंडकारण्य ता उत्पीडि जनता जुझारू संघर्ष कीसि भाजपा ता रमण सिंह सरकार किन 2018 विधान सभा चुनाव ते हारा कित्तोर. इंजेके सत्ता ते कांग्रेस वत्ता, कांग्रेस पार्टी चुनाव मुन्ने बेच्चो नो प्रकार ता आश्वासन इत्तोर. अव आश्वासन अमल कीयना इंजो राज्य मेंड व्यापक जनता किन जुझारू आंदोलन निर्माण मैदे संगठित कीयना. मनवा इलाका ते

स्कूल, आश्रम, उंडना शुद्ध एर, आस्पताल खोला कीयना इंजो मांग संगे सब्बे प्रकार ता वनोपज, समर्थन मूल्य मैदे लड़ेमायना.

2. बस्तर संभाग ते सैकड़ों पुलिस, अर्धसैनिक बल ता कैप, थाना खोला कीसि तास्तोर इविकिन जल्द से जल्द वापस ओयना, बेकसूर आदिवासी जनता किन, महिला किन सैकड़ों संख्या ते गिरफ्तार कीसि फर्जी केस्कु वाटी जेल ते बंद कित्ता जनता किन बिनाशर्त रिहा कीयना, सैकड़ों जनता पोर्रो केस्कु वापस एतना. जुडुम समय तिंचो पोयसी इंजे एवना जनता किन औक्ता, अत्याचार कित्ता, लोक पोडस्ता पुलिस तोरकिन तुरंत गिरफ्तार कीसि उच्चतम जनपक्षदार न्याधीश लोरा संगे नयायिक जांच कीसि कठिन से कठिन सजा इयना इंजी मांग कीयना.

3. दुश्मन ता 'समाधान' हमला ते बेग्गा-बेग्गा जनताना सरकार नुक्सान अत्ता. अविन लगातार संगठितिकरण कीयना कार्यक्रम एती मजबूत कीमूट. संगेने संयुक्त मोर्चा ता नेतृत्व ते ग्रामीण इलाका ते ब्राह्मणीय फासीवादी खिलाफ ते संघर्ष निर्माण कीमूट. संगेने विस्थापन विरोधी आंदोलन किन विस्तार और मजबूत इरादा संगे जोर कीमूट.

4. जनताना सरकार नेतृत्व ते आरपीसी स्तर तिंचो डिविजन स्तर एवना उत्पत्ति पेडसी कीयना मैदे खेती कमय पोर्रो नरगे-नरगे ध्यान हीसि स्वावलंबन आर्थिक स्रोत किन मजबूत कीयना मैदे सही कार्यक्रम बना कीसि अमल कीमूट. कृषि क्रांति सुधार कार्यक्रम किन जोर कीमूट. इविने नालुंग वर्ग ता जनता ना विकास मंदना लेक्का योजन बना कीमूट.

5. गंभीर 'समाधान' हमला किन मुकाबला कीसोरे जनताना नेतृत्व ते ताकना आश्रम शाला, स्कूलकु नगा पाट्य सामग्री एवसी कीसि सुचारु रूपते संचालन कीसोरे पिल्ला-पेकोर किन शिक्षित कीयना पोर्रो जनताना सरकारकु ज्यादा केन्द्रीकरण कीमूट.

6. स्वास्थ्य विभाग तुन दुरुस्त कीसि जनता ना बीमार किन दूर कीयना मैदे जड़ी-बूटी संगे अलोपैथिक दवाई तुन मांग कीसि इलाज एव्वी कीयना पोर्रो सब्बे स्तर ता जनताना सरकारकु जरूर कोशिश कीयना.

7. रक्षण शाखा, मिलिशिया ना फंक्शनिंग सुधार कीसि अविकिन मजबूत

कीसोरे युद्ध सामग्री गड़सी रक—रकम इंप्रूवाइज्ड टेक्निक इस्तेमाल कीसोरे स्थानीय स्तर ते युद्ध किन जोर कीयना. इविनगा लय्या—लय्योर किन नरगे संख्या ते पेसी कीसि दुश्मन मना गेरिल्ला बेसकुने ओड़िया परवा कीसि जनताना सरकार किन, क्रांतिकारी जनता किन बचा कीयना जिम्मेदार तुन निभा कीयना लायक मिलिशिया किन दुरुस्त कीमूट. मना युद्ध कार्रवाई ने साधारण जनता, जान—माल किन नुकसान आयवा लेवा ऊड़टू.

8. 2019 अप्रैल ते लोकसभा चुनाव, महाराष्ट्र विधान सभा चुनाव अक्टोबर—नवंबर ते जरगना मंता, इव चुनाव किन बहिष्कार कीसोरे जनता लोपा राजनीतिक इसाब ते प्रचार कीसि सफल कीयनोंक जनताना सरकार सक्रिय इसाब ते प्रचार, प्रसार कार्यक्रम किन सफलतापूर्वक ते सम्पन कीमूट. इद मौका ते गस्ती अभियान मैदे वत्ता पुलिस पोरो बेच्चोनो प्रकार ता मिलिटरी कार्रवाई कीसि दुश्मन किन देम्मा ईमूट. इद मौका ते हजारों स्पाइक होल्स, प्रेसर बंम्स संगे दुश्मन किन मनवा इलाका ते ओड़ियावा लेवा भयबीत कीमूट.

### **जीवा कॉमरेड्स, जनता!**

केन्द्र ते सत्ता ते मंदना मोदी—अमित शाह—भागवत नेतृत्व ते भाजपा—आरएसएस हिंदू फासीवादी गुट तोर अत्ता चार साल तिंचो डेट मारता साम्राज्यवादी, जनविरोधी आल्के देशद्रोही नयी उदारवाद नीति कारण ते साम्राज्यवादी आर्थित पूंजी ना हमला जोर अत्ता. भाजपा पार्टी तोर जनता ना संसाधन तुन सस्ता ते देश—विदेशी कंपनी तोरकिन ओप्पा कीयना मैदे हर् तेरयित्तोर. इदिन खिलाफ ते जन प्रतिरोध नरगे जोरदार तेदामुंता जनता ना संघर्ष किना पोरो फासीवादी तरीका ते दमन पेरसी कित्ता. देश ते बेच्चोको कंपनी—कारखान बंद अत्तांके लाखों मजदूर लोरा पिस्वल अंगडम आसी सडक पोरो एस्सता लेक्के अत्ता. संगठित मजदूर लोर कम आसोडे दायमुंतोर, आल्के असंगठित क्षेत्र ते मजदूर नरगे पेरसना कारण ते कूली—बूती ग्यारंटी इल्वा आयमुंता. संगेने बेरोजगारी पेरसामुंता. जीएसटी ता कारण ते उड़ला—मध्यम कारखाना गंभीर नुकसान ते अड़ता. देश ते खेती कमय ता संकट रोजे—रोजे गंभीर आसोरे दायमुंता अदेने देश ते लाखों किसान लोर आत्महत्या हर् पोयता मुंतोर इव आत्महत्या रोमसोर इल्ले. किसान लोर तमा पंडी कित्ता पंटा किन रेट दोरक्वा आपत आसोरे तमये कूद पंटा किन एस्कीयमुंतोर. जनता कर्ज

माफी, पंटा किन समर्थन मूल्य, मुपत बिजली मैदे मांग कीसोरे लाखों जनता लड़ेमायमुंतोर. रुपया ता मूल्य कम अत्तांके रोजमर्रा ता सामन ता मूल्य मन—मना पेड़सा मुंता. गरीब तोरा, मध्यम वर्ग तोरा पिस्वल अंगडम आसोरे दायमुंता.

विस्थापन ता समस्या देश मेंड जनता, विशेषरूप ते आदिवासी, गैर आदिवासी किसान लोरा पिस्वल डोल्लन परिस्थिति एवता. आल्केने शोषक—शासक वर्ग तोर मनवा आंदोलन तुन मापना मैदे अलग—अलग प्राजेक्ट आल्के खदान शुरू कीयना मैदे कार्पोरेट सुरक्षा किन बिड़िया संख्या ते पेरसी कीयमुंतोर.

अदेने देश ते मौलिक अंतरविरोध दिनल—दिनल तेज आसोरे दायमुंता. हिंदू फासीवादी हमला ता खिलाफ ते देश मेंड सब्बे रकम ता उत्पीड़ित जनता, उत्पीड़ित राष्ट्रीयता जनता ना जुझारू संघर्ष रोज—रोज पेरसा मुंता. राज्यहिंसा ता खिलाफ ते अत्ता दो साल तिंचो जीवा दरस कीसि कश्मीर ता जन प्रतिरोध आल्के हिंदू फासीवादी खिलाफ ते इद नडमा भीमा—कोरेगांव तगा दलित प्रतिरोध मुन्ने वत्ता.

अत्ता बेस्कोटो साल तिंचो मोदी नेतृत्व ते मंदना भाजपा—आरएसएस गुट 2022 एवना 'नव भारत' तुन निर्माण कीयना, देश ते भ्रष्टाचार, 'वामपंथी उग्रवाद' संगे सब्बे रकम ता 'उग्रवाद' जाति—धर्म ता भेदभाव तुन मापीतान इंजो बोल्ला मुंतोर. 'समाधान' रणनीति ता पेरके ओना असली लक्ष्य बाता इत्के हिंदू फासीवादी शासक गुट संगे लागू कीयना नीति विरोध ते तेदना आंदोलन किन मापना मैदेने 'समाधान' रणनीति हमला तुन तत्तोर.

अदेने इद 'समाधान' हमला खिलाफ ते देश ते मंदना सब्बे रकम ता जनवादी, प्रगतिशील, देशप्रेमी, राष्ट्रीय मुक्ति संघर्ष शक्तिनोर किन, सही क्रांतिकारी शक्ति नोर किन एकता कीसि इद सफेद आतंक विरोध ते जन आंदोलन, जनयुद्ध संगे जोड़ा कीसि जुझारू आंदोलन निर्माण कीयना पोरो मनवा जनाताना सरकार काम कीयना.

**क्रांतिकारी अभिवादन संगे**  
**जोन जनताना सरकार तैयारी कमेटी**

**28 दिसंबर, 2018**

**दण्डकारण्य**

